



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五六三

知止堂詩錄十二卷知止堂詞錄三卷知止堂文集八卷補遺一卷 朱 綬 撰

一

心師竹齋章牘存稿三卷附一卷 程 楸 撰

二二七

無止境存藁十四卷（初存藁六卷附集外詩一卷續存藁六卷

附集外詩續存一卷）附鄉程日記一卷附錄一卷 王 相 撰

三〇七

傲居集二十二卷（經說五卷史說五卷讀通攷二卷

讀子集四卷襍箸六卷） 黃式三 撰

四四九

知止堂詩錄

知止堂詩序

詩也者心之聲也故能抒寫性靈發揮義蘊必也質而不俚
文而不靡可歌可泣可勸可懲不失溫柔敦厚之意乃得詩
人之旨而可以爲教吳中詩派自沈宗伯而後猶有正始之
風嗣後學者惑於時趨競以尖新姚蕩爲尚淫哇並作風雅
道衰有志者欲振起之而力有未逮朱子仲潔齋躬勸學敦
勵內行自爲諸生時已有盛名年四十始舉於鄉屢上春官
未第平生好爲詩三十年來吳中言詩者必推朱子其爲詩
也不名一體直抒懷抱醞釀遙深讀之藹然而可悅也淒然
而可感也當其陽幽隱表章忠孝感論人事慷慨激烈震
動心目其生情氣之盛昭然可見此其所以爲朱子之詩
而非求工於字句之間者所可同日語也嗚呼朱子往矣使
得改用友世以抒其底蘊必有所建白乃僅以數卷之詩存
於天壤不亦悲哉猶幸其詩尙存以之想像生平津梁後
學亦世教之一助也余讀其詩而有感焉爰爲之序道光二
十年仲秋同里顧承撰

知止堂詩序

一

序

丁酉臘月西生過蘿蔓峰舍余方以井瓶供梅花集中固有
寒瓶出深井注水插梅枝之句記余八九歲時梅花無臘後
開者獨今歲冬至前已半放遂和一絕句云往日巡簷問此
梅幾時重見臘前開乾嘉草木如今老和氣當春復古來君
見詩甚喜蓋是日正逢其生朝也明年戊戌君五十歲自號
深翁余因作潔翁詩有云除卻自心無可潔樂夫天命已成
翁其夕夢授一大稱有北宋年號覺而語君以為後驗先是
余夢得五字云一劒除花影故復口占二語云黃梁試我手
劒辣青眼看人心稱平其時吾兩人有藥喻贈答之作並見
集中自是開闢船上不復與再晤竟至長別病中折園梅一
枝贈之時清問方在林下感念舊交惟吾輩數人尙在謀刻

序

一

其詩詩不離繩墨如其爲人世自有重之者故不贅論序夢
及往句以見因緣是時庚子九月望小浮山人潘曾沂書
于歸真園寶菊齋北窗

墓志銘

吳縣董國華撰

道光十九年春余自粵東乞病還里朱君仲潔喜來顧存因
語昔年滙隱園結社聯鑒事同數舊交零落殆盡暇日與君
重集同志以續前游方謂鄉里過從爲樂未艾無何君以疾
聞竟不起易簀前一日屬其姪兄高觀察翔麟以所著詩集
畀余校乘并以志慕爲請嗚呼痛哉君少余十餘歲後死之
責當在君而豈知其轉相屬耶既其孤祖命以葬有日來告
遂不敢以不文辭按狀君姓朱氏名綬字仲環又字酉生晚
以所得更號仲潔元和縣人先世自崑山遷郡城曾祖元凱
祖光斗皆縣學成貢生久鑑習名法家應佐大府幕工于詩
著有一卷石山房集當世所稱阿顛先生者大司寇韓公對
志其墓君兄弟二人長縉郡庠生君其次也性至孝侍父母

一

疾先後兩刲股膏肉和藥以進事兄極友愛讓產撫孤沒存
無間家世績學至君而天稟英敏總角能辨四聲稍長即嗜
爲詩不屑意舉子業弱冠補博士弟子員試輒高等久困鄉
闈屢得僥倖失初不以爲喜愠而詩名籍甚時吳中節使先後
多鉅公無不傾心引重候官林制府長樂梁中丞嘗延之幕
尤爲心契道光辛卯始舉于鄉五試春官不第而詩與古文
名益大庚子春病喉痺謝計吏二月二十三日卒于家年五
十有二君性和易而自處以謹嚴爲主于學無不闢筌綜大
要不事破碎詩其天姿所鍾而畢力于君自謂庶成一家以
今觀之蘊抱湛深究極正變能自發其芬芳排惻之哀沈鬱
豪宕之氣表揚古烈感論人事言近旨遠一唱三歎深得風
人遺旨嗚呼詩道之維久矣自一二耆宿標準新變代興之

說義棄法專尚性靈空疏不學之流一字一句偶與之合
歎爲天趣獨得于老成先正之矩矱鄙薄不道佻淫怪誕風
雅掃地于是我鄉校齋詩老舉沈文愨公別爲親雅之教以
揀其敵後學稍稍有從之者迨君詩出力掃俗學直探原始
爲正聲爲雅宗而君僅自許曰潔焉嘯可以知所用力矣近
十年始以古文名亦不規規一家而以潔爲體與詩同初多
峭遠之作既乃從容大適同郡吳棣華先生推之許爲必傳
雖然讀君詩若文識議通達古今之故咸悉于心使得有所
措于世其能有裨民物可知也抑或膺文章之任潤色鴻業
矜式多士其表見又當何如嗚呼是蓋有付之適然者耳君
生平研精著撰鍾斤鍊腎以是致疾與余久別重見僅一年
許而遽爲紉幽之文豈意所及哉所著知止堂詩錄十二卷

二

已爲哀梨詞三卷雜文若干卷將次第謀梨君先聘室嚴氏
未婚卒娶高孺人二詩詞備婦德子一祖命兄紹出少奉祖
命爲君嗣孫二以慥以慥卜吉于十月二十四日葬君于吳
縣堯峯山之五都九畝草字圩銘曰

詩品潔剛榛蕪文與詞咸絕殊精詣成心力痛失斯人悼吾
徒莫峯麓雲一區昔鈍翁此著書相參逐魂不孤

知止堂詩錄總目

卷一 詩一百一首

卷二 詩一百四首

卷三 詩九十四首

卷四 詩八十四首

卷五 詩一百三首

卷六 詩八十二首

卷七 詩七十四首

卷八 詩八十四首

卷九 詩五十三首

卷十 詩八十首

卷十一 詩八十三首

知止堂詩錄總目

一

卷十二 詩一百十五首

右知止堂詩十二卷亡友元和朱君綬撰君存日手自錄
訂而屬同里蔣君志凝及國華所商定也道光庚子仲春
君抱疾易簀前一日屬其婦兄高君翔麟持授國華公商
付槩於是君友桐鄉沈君炳垣連平練君廷瓚吳縣潘君
曾沂分助剞劂之役工竣老友顧君承爲之序言稱君詩
醞釀遙深津梁後學爲世教之一助其論甚遘國華以應
其孤祖命請爲之志墓故不復贅論而以顧君序冠其端
并記刊校緣起於此是歲秋中上浣董國華識

知止堂詩錄卷一

元和朱 綬仲潔父

甲子乙亥二月

桂樹

庭前兩桂樹秋至動芳妍高枝泣清露幽香發自然時有東
牆月流輝照嬋娟

長干曲

妾住長干里郎居舊板橋生憎門外水來往不通潮

小長干接大長干鴻鵠鴛鴦相對看郎若不來儂底住江風

日暮著人寒

古意

鄰女新妝束明珠作聘錢蛾眉猶澹掃妾自誤嬋娟

獨處愁

知止堂詩錄卷一

一

蝙蝠上檐飛蛛螂當戶織歸期期不歸獨坐空房夕

古意

短離別長相思折花路旁棄何似在枝時

長相思短離別枝上花不多君幾回折

雜詩

春柳醉春烟絲絲繡閣前東風吹不定飛絮落誰邊

一煖不成雨海棠紅滿林畫梁歸燕早知有惜花心

龍井

一徑春筍裏來尋品外泉烏啼荒院雨龍臥古潭烟碑斷藤

斜絡崖欹倒穿羅僧倦留客空及焙茶天

勾曲外史墓

玉勾橋畔路斜日下空林姓氏高真傳文章古逸心野春譜

鴻響雲晚一峰深再拜陳芳杜風流不可尋

楊柳枝

隄上阿誰家紅樓一道斜女兒十三四不解怨楊花

廢園

危崖古松斷廢渚荒烟開水閣月斜夜無人螢自來

秋夜曲

大星小星光滿天繁露欲落風淒然銀河不見一繩影四壁

蟲聲向人冷孤燈作花愁我心搖紅發豔秋沈沈夜深飛夢

未知遠明日啼痕鏡中滿

古意

錦衾繡幙蘇合香衆星在天夜未央雲中明月不可見我有

相思渺河漢玉蟲墮烟金雀飛洞房春鎖雙葦蕤華燈倚壁

知止堂詩錄卷一

二

蘭霧繞紅情欲化同心草苔牋緘淚痕斑斑望殘蟾魄歌刀

環分明記得門前路夢冷春空不知處

美人去時暮雲碧繡幃初臨月東出冷鴉啼雨雁叫霜畫衾

自貼雙鴛鴦芙蓉頰頰無死節裏梅花吹不起綠窗蒙霧

生夜寒玉壺凍淚胭脂乾統統鼓聲漏將絕起望星河半明

減

壁無曲

春風十里塵無香輕車素箔搖明璫黃葛生花蔓初絕一時

桃李無顏色房中羅列七寶幃雲帳反挂雙銀鈎心知離別

未言苦含淚滴君堂下土

春雪

春雪不成絮薄寒微雨生朝來妝閣裏定有早鶯聲

越女曲

若耶溪上女生小畫如花間道西施貴朝來學浣紗

使酒

使酒罵座客殺身竟誰是借問灌將軍何如爾處士

楊忠節祠在槎花鴨即公讀書地

讀書曾此下深帷虎榜標名數不奇經世心寒楊解日叫天
毗裂飲刀時國家士氣培宜早講讀人才惜豈知一輩精英
共來去畫溪曾拜舍人祠謂宜興舍人象微子午解元南幾

美人折花

美人罷晨妝臨檻攀春花弱袂隨風起輕鬢隔烟遮釧移拂
葉響釵動臂條斜枝頭兩胡蝶飛散入誰家

攜手曲

知止堂詩錄卷一

三

攜手復攜手攜手酒壚邊但醉君休勸飛花上綺筵

攜手復攜手攜手青樓上暮雨卷簾遲春風動蘭帳

洞房曲

洞房窈窕春風多美人宛宛飄紈羅含情含怨爲君歌爲君
歌喻君意但相憐莫相棄

二月桃花開三月楊花飛此時洞房中玉枕垂羅帷驚驚從
不孤眠去紅燭迎人夜未歸

長亭曲

楊柳枝長亭路知是別離難臨行屢回顧南風吹北北風南
鷓鴣啼斷江頭樹

江水長江風涼動搖木蘭楫前路是他鄉筇篹彈斷公無渡
掩淚含淒歸洞房

春江花月夜

木蘭柁沙棠舟春波渺渺江上遊月長圓花不謝起舞爲君
惜清夜

江月如明鏡江花作鏡臺月從雲裏墮花向霧中開清絲脆
管相娛樂莫惜嚴城夜漏催

頌頌

頌頌衆星列露下秋宇空含景迫內倫在戚無歡容圓兔蝕
丹桂珠戶虛玲瓏斗杓自同薄暗與天河通弗乘崑崙槎俯
仰悲微躬勞生百愁集速化蜉蝣同美人玉堂上歌舞清宵
中華燈照四席光采誇芙蓉簾櫳映朝日曲吹聞三終恆願
奉此樂比壽南山松

元祐黨籍碑拓本

知止堂詩錄卷一

四

熙寧日錄亂亂始僉王紹述紛宣驕崇寧天子殿上坐臣京
再拜陳科條祖宗新法不可變當年私論皆吹毛請頒厥罪
示天下垂戒後世奸邪昭臣得報制舞且蹈皇帝陛下今唐
堯嗚呼正人一網盡崇碑特立何岩嶢羸秦坑儒漢鉤黨際
此奇禍堪悲號我知造物有深意要令大義千秋標溫公謬
公數人傑功震薄海馳回轡蘇黃程范異尸祝文章理學分
揚鑣其餘二百有餘輩豈盡建樹垂雲霄自從連名上碑石
一一姓氏畱榮褒小人快志眼前事兩間浩氣誰能撓李章
詐譎亦濫附濁涇清渭殊相消當時尙幸法未峻銀鐺不遣
屍填牢若如後世構大獄朝衣裹血知難逃可憐人亡邦國
粹傳不一世邊塵爲碑雖削盡拓本在獨出兵燹奇光標字
勢婀娜不足貴匹如龔壤生申椒京之功名竟安在到今唾

罵由見曹邇時誣厄乃至此懷古未免心煩懽人君甞旒蔽耳目往往舉動隨羣僚小人弄權慣觀覬覦詠善類如飛鴉即觀南渡禁偽學效九更在寧宗朝琢玉坊工亦萬古安民魂在應同招

淮張故宮

白駒場邊張九國夜看天星感祿韓能衣御酒海上來竟作開門節度使素靈閣茫茫陽雲長圍高築吳閶門三年固守守力竭蘇州城中人食人甘相食不相叛鼠丁充糧泥可飯城崩一角殺氣昏血染橫屍接郊甸天日照爾不照我執挺請降堅不可軍中孃子劉夫人早日六宮焚一火荒花夜落松冥冥至今隙地無人耕地燈私祭四百載三興土薄秋烟生陵谷遷移人代速杜宇魂歸不成哭叢祠社鼓鬧斜陽

知止堂詩錄卷一

五

小兒猶唱西風曲

舟夜

風雪扁舟夜蒙頭絮帽加簪魚沈港火闌鴨響灘沙荳調聲聲緩吳帆獵獵斜寒深衾有鐵何處酒能賒

悲孔雀

優人某得二孔雀炫於市多所獲有嫉之者斃其雄雌乃颺去

文章一爲世俗用五色離披何足重可惜珍禽在網羅翻令凡目供娛弄珠樹空成獨往身瑤階已散雙棲夢豈無大饗厭鷄鵲亦有樊籬困鸞鳳自信升沈不在天漫矜毛羽能殊衆東南孤影悵徘徊海岸雲飛高不動

吳江懷歌

八測江邊柳萬條綠痕濃接畫眉橋即如鸞脰湖水吹著東風便起潮

秀州雜詩

山色不到處波光如此清濛濛烟雨裏春滿秀州城三塔臨湖見寒塘十里長不知巾幘設何處女兒鄉曲曲鴛湖水漁歌起窈窕夕陽芳草路誰訪曝書亭二月初露浴新絲吐未成女桑千萬樹微有剪刀聲

臨平

臨平春水漾斜暉三面山光湧翠微故老尙傳軍府貴孤孫新向羽林歸曾從失律寬殷浩早爲趨塵誤陸機論定功名慙赤簡當年種樹歎成圍

宋宮人斜

知止堂詩錄卷一

六

露井鴉啼一夢空蝦蟆亂點六更終漆燈夜出松門靜涼雨蕭蕭德壽宮

羊車小隊舊西泠賸有南山作畫屏玉盃珠襦埋魄地杜鵑無樹哭冬青

雨夜過蕭山縣

水色滄烏蓬溪流入枕空離人殘夜起聽雨又聽風冷夢墮燈外柔聲搖榜中遙知到山郭越語漸朦朧

鏡湖泛舟同舒丈位

麴塵漠漠曉風吹短草空波放艇遲十日雨晴梅尉墅一春花落柳姑祠遠山斷續疑殘畫新水蕭寥稱冷詩知有越姬工釀酒綠楊陰裏颺青旗

曉起登郡齋後山

春風蕩晴色初日麗層阪雜花不知名紅紫紛在眼扶屐陟危磴擊衣蹠深蘿亭空宿雲納雨歇自舒卷雞鳴市聲起城郭隱可辨手弄清冷泉流水意不淺眩茲木石秀適我性情簡物喧道逾靜塵鞅庶能免

飲酒

往情未云已來歡詎能知及此一尊酒自起斟酌之古愁得酒消今愁得酒動風從故鄉來吹我異鄉夢開房斂夕景所思當告誰有酒欲弗飲到手成空杯

聽笛

寒生杜若洲碧水夜東流非君動遙思笛裏自春愁燭影交橫暗花光近雨浮疏窗猶合扇垂幔未分鉤相思獨不見含怨數更籌

知止堂詩錄卷一

七

秋蟲歎

秋蟲非一類入夜語更繁爛爛星鋪空輝輝月照軒弗聽神已離聽之不成歡誰令百千響塞置兩耳間白露變時節虞烈難爲言草木無根株安能中自完沈冤爾何訴使我心凋殘

虞山錢孤女詩

孤女苦苦哉孤女孤女生時保母抱持孔翠織文葆六月猶恐涼颼吹孤女始學啼啼牙牙聽者爭貢諛云此富貴相長大當宜家孤女有耶爲達官珊瑚百竿盛時盤手提兩枝不律阿耶喜歡誇示賓客生女勝百男賓客大拊掌皆稱然上自監司二千石下至丞簿尉各有贈獻黃瑤白璧青琅玕供女作玩弄墮地粉碎笑聲啞啞四座相呼譴耶孃無兒孤女

無姊妹戲言百年後惟女是依賴太陽照冰山傾盤水加刀送耶入請室阿孃檻車赴邊庭此時孤女纔四齡一步十哭欲去不去行伶俜幸得保母賢視如已所生保母家貧河邊汲水山上負薪野風滿屋餓來齧人孤女泣弗得覓食有粥覓羹羹有塵孤女苦苦哉孤女七歲學鍼黹八歲習章句見人說阿耶撲簌涕如雨黃絲染黃髮絲長苦難絕昨年十二三今年十六七春花白生香機中織錦悲流黃日織一丈五不能餘尺帛裁衣裳宵沐不設眊睨無輝光生非小家女首飾安用雙明璫門前種枯桑桑上烏夜夜啼空房媒妁弗問名謂女無耶孃耶孃在時孤女保母抱持耶孃去時依保母居保母女畜之孤女苦苦哉孤女晨出糴米市價方起淚滴米中晚出洗衣河水西東風寒割肌上視滄溟天入室長歎

知止堂詩錄卷一

八

歛輓車軋軋聲淒淒但願明年蠶種肥多積十斛絲贖取塞上阿孃歸來旦夕共備康噫吁噓

烏啼曲

秋雲無光銀漢低月照城頭烏欲棲丞相府中不飛去御史臺前恆夜啼

顧祠三首

顧文康公祠在馬鞍山下祀爲前明錢唐知縣漢石公諱咸建南京禮部尙書九疇公諱錫疇漢石兵死九疇間道赴閩爲悍將賀君堯所殺又漢石兄端木公諱咸正曾爲延安推官偕其弟咸受子天達天達死陳子龍事忠義一家文康公可爲有後矣祠中有門每啟閉戛然作聲如喉鶴或靈爽所憑良可感也三先生死事傳聞多異辭考

諸志乘采及諸家文集作爲是篇以當神絃之奏

錢唐門開畫殺人母逐子走夫隨妻奔城中一何紛紛官當
守土辦一死安能肉袒迎將軍白血滿地化爲青燐可憐家
國一日破桐棺三寸誰招魂是時江左風塵昏君爲虜大官
爲降臣刀光掠頸寒一片斷頭掉臂排天關至今祠兩烟冥
冥半空猶掣琅璫聲迎神兮送神望不見兮杭州城嘉肴在
前慘弗御尊共鳴巨闕波去右漢石公

江心寺前風日慘濁浪連山吹不卷總兵撻土官有言總兵
殺官人不管公始通籍萬歷朝後來逆奄胡宣驕懷中一疏
不得上先受東林黨人謗公不見當時數君子逮繫北司先
後死公獨生全亦幸耳奈何天地多風塵中宵奏對批龍鱗
相臣不言督臣怒從此中原遂非故三百年來廟諡尊傷心

知止堂詩錄卷一

九

併入江南賦海聲琅琅波入雲崎嶇間道仍一身東南天地
半壁小毒蛇猛虎何紛紛迎神兮送神血光晝閃馳騰輪彭
湖漫漫未遑渡萬事倉黃永嘉路右九嶷公

延安府堂搨大鼓賊來未來心獨苦哭聲震地天不雨推官
爲誰崑山公上馬殺賊下馬勸農左手握犁具右手持強弓
可憐墾田二萬畝難醉秋成一杯酒烏雅四飛城門旦開鏐
蠶之毒化爲狼與豺豺狼縱能食人肉不能屈使忠義士俯
首求生苟蒲伏一朝間道歸去來驚心園寢成飛灰畫匡荆
棘夜行蒿萊吳淞江邊兵在野忼愾勤王舊師者揮刀呼天
天不聞旄頭落盡江南軍四十餘人同日死地下猶隨弟與
子迎神來送神去靈旗高卷鶴唳門鬼雨蕭蕭灑灑叢樹右端

本公

城北貞婦行

貞婦不知其姓年二一四五夫賈於外奉姑居有挑之者
赴水死

白日照城北隅城北有好婦朝行汲暮歸獨居婦非獨居婦
有姑婦有夫夫出賈奉姑愉愉朝行汲歸躊躇暮獨居聞啼
鳥烏啼牙牙行人思家烏啼角角眼淚相續有夫出賈有姑
在屋姑在屋長歎歎婦朝出汲暮不歸暮不歸當何之風蕭
條吹樹林井泥濁河水深河水深日當心

舟泛

鷗夢墮空渚東風吹不醒近船春水活隔岸柳條青楚被經
香浣吳歌倚醉聽山濃知有雨雲色暮冥冥

西磧

知止堂詩錄卷一

十

意行十里外始見梅花林古樹自春色亂峰猶夕陰看雲拄
短杖選石彈清琴獨鶴不歸去山深無路尋
斜暉半幽徑徑古客來稀空色不在地冷香吹滿衣疏籬臨
水出小鳥帶花飛西磧人家遠烟痕晚漸微

萬峰臺

天半石樓寺高峰障日開路盤諸嶺上風截太湖來老樹槎
枒出空波浩渺回題名吾未敢長嘯此登臺

石壁

風力不到處危崖青未枯寒聲翻半壁倒影動全湖遠嶼依
舟小低雲接岸無山禪謝人事團石印跣趺

草庵

一磬出深翠亂雲開竹房日色過崖暗泉聲夾樹涼蕙草有

閒意梅花無近香圓笠僧廊坐清風吹我裳

步出西郭門行

步出西郭門郭門何縱橫白楊蕭蕭作風響過者難爲情人
生百年一坏上車侯曲池平君不見貴家華屋標朱甍猩紅
地衣錦織成陽和二三月鳴鵲夜叫春冥冥蒲桃釀頗黎餅
對此泉下客但願長醉不願一日醒生不五鼎食死亦不五
鼎烹使我及時一杯酒何如身後名

瓜州夜泊

烟淡月無色露涼風有聲過江楊柳樹一碧到蕪城

南唐

六代繁華夢未醒後宮歌舞門娉婷國亡獨唱家山曲頭白
徐郎掩淚聽

知止堂詩錄卷一

士

鍾山雜詩

斜日荒祠滿日秋行人下馬思悠悠六朝故壘西風裏獨向
鍾山拜蔣侯

依依喬木帶棲鴉獨策疲驢帽影斜行近舊城三十里夕陽
人賣孝陵瓜

投棲霞山寺

一帽西風冷無人自往還夜星流獨樹秋澗合諸山竹瓦蟬
頻竄松門鶴未闌白雲邀客去同住翠微間

翌日紀遊

夜夢沈亂山夢醒遊興發披衣入寺門松屋半殘月高閣雲
未消曲徑露猶滑遙造開士廬晨梵響清越攬屐陟危磴碎
石踐硯碑殘碑仍六朝古嶺自千佛天風從西來冷然動毛

髮宿鳥啼秋寒曙光散林樾

秋雲滃欲流初日在山罅道逢一老僧言是采藥者不知何
峰來香草自盈把攝生事既虛修短弗可假仙風滿六合纓
塵聊用捨纍纍山外墳荒樹梧櫟惟當兩芒屨散髮長林
下

昔聞九老松今來見其一恍如古仙人矯矯遺世立六朝既
無遺茲山歷歷劫云何千年來霜皮潤寒色餘蒼盡枯脆至
奇每孤特乃從蕪穢中挺此不朽質我欲餌茯苓松根乞神
液求仙無遐齡夢聞蒼叟說材與不材間位置聊自得

一直復一曲一峰萬峰束一俯復一仰身出萬峰上滔滔大
江水日夜從東流客心感行役矧茲搖落秋浮雲無根株颺
風有時會摩挲古銀杏此樹閱人代

知止堂詩錄卷一

士

尋路下平坦土牆樹間出夾道松栝杉泣露翠疑滴入門參
古佛魚梵間以寂更訪禹王碑奇字不可識破寮滿風聲紫
苔斷行迹天然好圖畫剝蝕良可惜他年賦招隱茅茨手編

昔在勝國時茲山有高士長掛謝世人夷齊毋乃是家世本
勳衛百六丁運否遂遺縛繞榮漱石枕流水往來但樵牧高
吟羽聲死詎似明山人徵召還一起古祠閉秋蕪再拜薦芳
芷

入山無定遊逢寺門必欵斷橋阻我行斜徑通一轉流泉竹
間細寒花樹陰滿鮮草若靈芝色澤秀可掬是時日亭午人
影在崖下倦遊始出山風吹衣帶緩

玲峰池

撥枝灌莽間一泓鑒清冷峰巔百丈樹倒見鳥巢影

月夜獨行至陀羅寺

秋月不在地叢碧亂人影夜風吹衣袂山葉踴逾冷燈光出疏竹如有宮未廢崖果忽驚落老蟻窺澗飲

古歌

劍刀不斷水一劍漫摩挲若出橫門道終當騎瘦驢

讀元道州春陵吟賊退示官吏諸詩慨然寄懷

有唐天寶後中原遘危亂官吏督徭役賊來乃狂竄偉哉元使君實維邦國幹恤彼昏墊民雜席出塗炭道州四萬戶散

亡過其半奚忍征斂苛鞭扑重罹難天子置守吏軍儲責成算民窮未全甦驅迫適資叛三復少陵詩可補國史贊何世鮮創夷平之在郡縣

知止堂詩鈔卷一

三

閨花朝曲

已闌花事未闌春彈指雲鬟隔十塵仙歷並無閒甲子寶幃空與注生辰

送將承志 敘凄然有作

厲風盪春樹朝陰未頽莫萬事不我有嘆目即長路平生所契親奄忽委之去生理固靡恆但哲一何遽來情若空烟往迹但豪素盛歸促哀思藥石非所誤肅肅几上燭淒淒草間露我猶披帷視子已長不痛痛矣難再言修短託冥數

悲詩

醒靈舒晝采急景凋柔顏浮雲隨風飄離舊山有何出林鳥及嘖未來還朝暮林澤美莫嬰湯火患微生世機促委身在叢管險夷互爲伏進退迫兩艱一朝陰房闔耳目相與

頑幽途無賢愚貴賤安足歎百年亦須臾况此須臾間惜我不早歡早權今已闌徘徊原野邱隴吹沙寒萬事固有盡忘情良獨難

置酒

置酒合羣彥歡娛及茲辰萬花勸酌酌柔風扇芳春陽光易成夕要路飛清塵零落山阿下知爲何代人

春盡日作

及此春氣盡殘花紅滿枝壺觴一以送已是斜陽時向後景光寂非復繁華委美人方盛年歌舞猶未知

貴公子宴遊曲

貴公子遊遊何所朝巫山夕湘浦揚翠艇魚如雨歌鐘發香風舉貴公子奈何作事誤烏啞啞啼微曙金井秋未闌芙蓉

知止堂詩錄卷一

西

墜江露

倡家桃李篇

白日舒光大道邊倡家桃李笑嬋娟綺幙遙垂鵲鵲觀環窗低撥鴛鴦弦春江暗渡誰持楫碧纓輕衫愁不摺翩翩夫婿侍中郎沿路相逢復相接相向河干相迎下濟沅翡翠雙絲寒作帳珊瑚七寶倦遺冠一朝富貴人驚羨不信繁華去如電聞說江頭姊妹行書來尙寄黃金鈿黃金難買十分春錯莫魚龍百戲陳煖嫩梅聚朝服酒嬌俱蘭桂夜嫌燈臺柳絮因風起月出雲間妍莫比照眼流光玉樹新當年錯把閒花擬御史臺前烏亂啼丞相門中雀欲棲此時卻憶青樓上桃李無言各自飛

答將志 冬夜見贈之作

嘆鴻無棲枝月白孤夢警成莫思故歡殘燈照唯冷寄傲今
世譏固窮昔賢秉榮心澹春木寒骨厲秋車葆生在寡慮有
身亦俄頃一眞謝百幻澄澈若古井拙全勝巧敗適意未爲
幸北風颯庭戶間鐘足深省

粉榆

粉榆夕陰起顏光引初晦漢水西北流功名豈長在高鳥去
不息終羅網羅內直道愚自守危機智翻昧洛陽有名園芒
山乃相對

習愁

習愁非得已爲懽良易闌春花胎始芽推理知所殘美樹易
生森安能中自完士忌名達早女悲容色殊無間淚百悔淳
問還古初

知止堂詩集卷一

五

滿歌行

君不見范睢一布衣折脅西入秦片言動人主權奪華陽君
骨肉之間尙如此厚貌深情安足恃楚宮掩袖幸姬讒齊相
分桃壯夫死兔絲附女蘿纏綿詎相憶白日風花高下飛誰
知要路生荆棘愛憎之口能殺人請君自重千金身

秦女休行

寶刀金縷頭自言秦女休十三痛父死十五能殺仇官謂秦
女休殺人罪當死女言辦一死父仇不復良用恥嗟汝麗嗟
汝謝血漉漉都亭下兩女子報仇者實貫日走天馬

漫興

終見倉箱滿徒嗟杆袖空制田原下下考績或中中商貸爭
奇術儒餐失素風如聞呼父母萬井有瘰癧

知止堂詩錄

贈蔣志發

十二月朔我送君片帆曉挂錢江雲正月之望君過我自謂
出行無一可豈眞世路多險巇方今諸侯賓客稀讀書寧甘
作豹隱揆策未肯隨雞棲朱門三重平旦開驕奴媚子紛沓
來寬褐蕭條道旁立兩耳但聽轟晴雷嗚呼長卿遊倦矣無
金那可居鄉里曹生林堅薦士重一言中夜感激知已恩匣
中有刀厖有馬徑欲西遊鄴城下鄴城太守今吳公雲繡衣
宛宛乘玉驄縱難置驛開尊盛奚至登樓悲路窮驅車驅車
別桑梓國士聲名從此始二月江南楊柳青思君正渡漳河
水

清明日過蔣志發問話

知止堂詩集卷一

六

憐君初意赴中州囊空難爲汗漫遊走馬門雞空好俠彈絲
吹竹總關愁十年種柳曾當路三月飛花漸滿樓若向天涯
悲節物醉眠何處酒壚頭

與蔣志發

蔣自述詩曰盛年閱逝水衆論喧繁霜矯志豈有悔積瘁
要自傷又曰影孤委圖史識寡慎且鷦渺矣白鷗沒懷哉
黃鵠翔憎惻憤懣何其甚也因爲解之

黃鵠四海志失翼不來翔陰崖霧露積短日有冷光憑高萃
羣悅居陋羅衆傷君子所疾瘳小人以爲常蘭秀披澤美桂
貞表巖芳遭命苟不渝固窮道彌彰

虎邱作

古桐橋側見烟螺雙槩浴隄點碧波斷雁零蟬催暝下亂漢
疏柳得秋多山寮清梵無鐘磬水閣華燈白綺羅頃喚奈何

桓子野不堪蕭瑟况聞歌

和彭丈北燕 疊陽觀詩

十三樓閣響鳴璫羽帔驟驚去帝鄉天上星辰原縹緲人間金石總淒涼烟懣懣護苔花影月帳寒浮桂樹香簫曲迎神吹忽歸一尊根碧薦秋芳

劉烈婦

嘉興丁子復作劉烈婦傳其略曰康熙間河南固始縣有

劉烈婦李氏年十五嫁劉堃堃上鄰邨有許鐸者豔而挑之婦怒詈且走追薄之力拒脫鐸懼洩直前以腰鎌斫婦頸刺胸死堃聞諸官緝賊未獲鐸忽發狂持鎌至宋救所決脰死

知止堂詩錄卷一

七

烈婦李氏女家住河南固始縣生年十五嫁劉堃堃布荆釵自嬌倩朝出采菽莫歸侍姑宋救原上乃逢狂且狂且胡爲苦逼迫妾志不遂如噉日恨不持刀刺汝臆強暴相干死亦得一呼聲上天再呼魂入泉離離者菽棄道邊日莫不歸公姑眼穿遠見邨外四飛鳥驚鳥驚不上亦不下乃復回集高原前高原少人跡原下無廬宅里正告縣官掛榜但緝賊殺人者誰婦所知貞魄不散神扶持陰雲蔽白日匿東海飛霜事難白中原有菽仍發苗彼殺人者心搖搖石上鎌刀手親礪鬼物從空掣其臂引刀決脰巨意欲要雪此冤須此地丁侯作傳表遺烈宋生讀之許奇特生爲人殺死殺人信是精誠不凋歇荏苒女蘿絲豈容野蔓來纏之種菽在原上一朝化作青松枝

青樓篇

青樓楊花高下飛樓中女兒怨春暉歌裙暗掩白團扇舞袖潛捐紅紵衣鏡閣生塵凝弦索鎖惟烟冷東風惡珊瑚鞭引霍家奴手挈銅瓶勸深酌公子驕曉夜不嘶同心鈿盒向誰攜曾陪花裏吹簫客肯作機中織錦妻君不見鸞舞嬌歌祇如此西沈白日東歸水嚴城啟鑰曙光催啼鳥啞啞鵲驚起

中夜悲歌

四壁風雨至已覺秋氣涼殘燈爆孤花夢短知夜長視景不終夕牆衣起旁皇帛帷白舒卷鷗雞啼曙霜種豆願豆茂種禾願禾良零丁竟何言飲淚無人鄉來愁迫去歡蔓結摧我腸餅罄豈無恥生戀慈母旁願得鶴鴒鳥高下同迴翔

五人墓

知止堂詩錄卷一

六

諸離舊塚接英靈縱騎南來殺氣腥不易捐軀皆市井終嫌嬌旨亦朝廷時平豈許民稱俠亂定應知國有刑賸與吳兒談往事上公祠廟卽幽局

當妾薄命

碧殿神君去丹臺帝子遊桃花開國豔柳絮人邊愁盤馬偏餐摩調鸚巧笑收明星頒鉞盆賦粉出銅溝采綯鴛鴦瓦香濃鴛鴦樓囉珠縣照夜皎皎展當秋筆簾新聲換摩蕪舊夢休嬌弓蟾月滿華珮腐雲浮萬里黃河闊三更翠燭幽魂依天北極淚盡海西頭鳳閣臨官道魚燈閣古邱從來歌薄命腸斷爲笳篴

知止堂詩錄卷一終

知止堂詩錄卷二

元和朱 綬仲潔父

丙子 至 己卯十一月

種樹篇

種樹大堤上枝葉何離離春風媚桃李高下呈華蕊人生各謀已失意當告誰東鄰有好女窈窕含淑姿不嫁惜顏色豈窮無良媒清瑟掩遙夜列宿正參差還言待明發露下詎堪悲

春雨

花開掩深院弦管別家春密密林光重冥冥雨氣新如聞闌夜曲欲病少年人芳艸誰爲贈東風滿去津

美人篇

流光白日當天開美人卻扇朝裏朱樓峨峨夾官道春簾知止堂詩錄卷二

一笑紅玫瑰誰家少年騎大馬障袖迴鞭過樓下自言結客滿幽并還復揮金買游冶如君貴人誠易知後房窈窕千蛾眉山河指畫相依託使妾何能不自疑君不見飛梁燕子盧家宿歲歲春風鎮相逐獨有長門賦裏人當時錯道黃金屋

月

高樓燈未然湘綺卷涼天度曲仍鄰院看花自舊年盧家方宿燕蜀國又啼鴉萬古嬋娟月相思碧海邊

贈葛金章

葛生有文而愿居陽城湖之澱潭世無知者乃爲詩贈之眾妹耀晨妝參氏莫登門靜女不自麗婚媾誰爲論吾子有詞翰約潔寡等倫屏迹在畎畝時譽無斯人古來名山業風雨不得潭寒賤世所棄實乃天地珍修途百艱集歷久氣一

振羣累矧可謝孤往當及辰何必冥漠中驅獲非鬼神五步苗蘭蕙勉茲千載身

八月八日寄懷蔣志聲沈傳桂白下

涼風振喬柯秋氣滿窮巷日盡天宇低雨來古原上問門閉青蕪桂花吐清曉觀物成獨怡感交發還悵情緣舟析疏趣藉尊罍脫流光不娛人嚴阿託微尚

九龍塢展外大父張帖瞻先生墓有感而作

霜晨厲其敬臨厓駐輕舸高峯雲氣陰短石蘚痕鎖蕭蕭松柏宮肅肅魂魄安芳尊薦寒醅秋生古原下安知此中人夙昔捉抱我孩提乍瞬息荒涼對蓬顆外家久零替我過亦坎珂慈顏異疇曩養計彌左明當謝塵事長爲嬉戲者

讀亡友蔣志聲遺詩

知止堂詩錄卷二

墓艸茲已宿哭君轉無因泉扃闕孤月寂寞松杉鄰遙鶴引哀唳高鴻離故羣秋風厲以肅蜚蜚知夜分一燈無餘輝閱敗如有人蘭芷定誰掇芳香徒自熏小文嗟敬禮後世俟揚雲文采復何益徒傷千載神

花山紀遊

夙懷蓮花峯良辰踐秋諾攜朋得二妙諸逢椿申旦出城郭遂造幽士廬韋光呼舟具杯酌沿谿溯向背遷變眺羣壑攏臨楓灣支節陟椒薄連岡如奔龍斷鐵忽中削言經放鶴亭逶迤至山脚積雨松陰陰高雲樓閣落風泉激回磴巖杪架壘間葉公禪寂後梵宇久蕭索時開度難經玉井懼已涸危梯嵌虛仄一步一咋謬創縣攀葛藤碎石礙芒屨日光眩疑無谷響應屢錯卻顧所來逕飛鳥不敢泊遠白湖茫茫空

青天漠漠探奇意，閑屨履險氣倍作。結屋吾未能，重遊準今約。

九日借褚達樞吳大丙登天平山

游鶴有崇翼，翔鴻無近情。既欣從侶具，矧借登高名。連岡媚秋綠，孤峯表嶙嶙。目駭鳥道斷，步窘蟻崖崩。時知洞門開，蜿蜒赴青冥。陸阪溼縣瀟，瀟隘磴梯寒。簾稍出深井，間天風響爭。笙沙明水光，耀日薄雨氣。凝萬景互虧蔽，雲物育以呈。攝虛理寡昧，觀化心彌清。何用采菡九，因之遺世櫻。

九月十三日過褚達樞口號

城裏朝來秋騎諱，獨攜冷句過君家。光陰如此不持蠟，孤負一庭黃鞠花。

鏡

知止堂詩錄卷二

三

美人開洞房，花影對幽芳。臂諱秦年飾，眉羞漢殿粧。更持前後鏡，重疊照容光。

某氏廢園

春色已闌一百五，將晴未晴飄雨絲。游魚不動鸞飛去，倒影亂花紅半池。

題沈傳桂詞卷

淚淫舊青袍，瑤琴調最高。一燈吟屋冷，夜雨注離騷。

絕句

風露輝輝月一汀，自來自往客孤醒。臥波老柳夜飛絮，魚咬遠天三四星。

有感

錦衾爛長夜，眾女各揚蛾。離佩空相問，修容敢自多。聞雷零

五樹殘月淡金波，獨掩洞房曉猶聞含睇過。

酬褚達樞

美人湘江上，日莫采芙蓉。離佩散芳氣，長裾曳輕風。舉止自有節，嬋娟誰見容。愁心定何已，含睇九疑峰。幽蘭谷中秀，花葉含孤清。移植亦云貴，秋風先見零。陋巷有一士，藜藿可充羹。不惜長貧賤，終悲身後名。

立秋日過褚達樞不值

晨覺秋氣至，出門無可言。涼風吹早葉，策策林梢翻。念子益寥寂，圖書滿清軒。良覩不余畀，中心切以煩。

娟娟竹烟合，娟娟藤蘿陰。美人不在茲，風空流清音。綵綵豈終御，霜露乃相尋。寄言養生者，葆素以爲箴。

相疑莫相疑行

知止堂詩錄卷二

四

青天明月圓，復虧何用與。君不相疑相疑與，君不決絕水中白石清。壘壘莫相疑，但相保春風桃李含笑花。秋雨芙蓉斷腸草，盤龍明鏡君所珍。請君照儂還照君。

沈忠節公建祠詩爲陳大令文述作

公名廷揚，上海縣人。明諸生，以海運事懷宗。官光祿卿，南都加兵部侍郎。總督水師，從魯監國之海上。舟膠被執，有子及所部六百人皆死。

賸水殘山一劫中，將軍殘鶴士沙蟲。毀家易轍神京粟，報國難歸落日大海波。濤鯨徙窟平陵松柏島，呼風祠官易代新。承祭鹿死魂歸恨未窮。

石湖莫歸

茶磨山西有夕陽，雪蘆風柳各蒼涼。細蟲吟岸魚跳水，一種